



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Secvndæ Secvndæ Partis Volumen Secundum

Thomas <von Aquin, Heiliger>

Romae, 1619

Vtrum aliquæ oblationes sint de necessitate præcepti? 1

urn:nbn:de:hbz:466:1-38762

Q U E S T. LXXXV. ART. IV. 235

tè ad hæc, vel ad illa. Aliud vero est exterius sacrificium, quando actus exteriores aliarum virorum in diuinam reuerentiam assumuntur. Quorum quidam cadunt sub precepto, ad quos omnes tenentur: quidam vero sunt supererogationis, ad quos non omnes tenentur.

Ad primum ergo dicendum, quod ad illa determinata sacrificia, quæ in lege erant precepta, non omnes tenebantur. Tenebantur tamen ad aliqua sacrificia interiora vel exteriora, ut dictum est.

In corp.
art.

Ad secundum dicendum, quod quamvis non omnes sciant explicitè virtutem sacrificiorum, sciunt tamen implicitè sicut & habent fidem implicitam, ut supra habitum est.

q. 2. art. 7o

Ad tertium dicendum, quod sacerdotes offerunt sacrificia quæ sunt specialiter ordinata ad cultum diuinum, non solum pro se, sed etiam pro alijs. Quidam vero sunt alia sacrificia, quæ quilibet potest pro se Deo offerre, ut ex supradictis patet.

In cor. 8o

Q U E S T. LXXXVI.
De Oblationibus, & primitijs, in quatuor articulos
divisi.

¶ art. 2o

¶ 3.

P Ostea considerandum est de oblationibus, & primitijs.

- ¶ Et circa hoc queruntur quatuor.
- ¶ Primo, utrum aliquæ oblationes sint de necessitate precepti?
- ¶ Secundo, quibus oblationes debeantur.
- ¶ Tertio, de quibus rebus fieri debeant.
- ¶ Quarto, specialiter de oblationibus primitiarum, utrum ad eas homines ex necessitate teneantur?

A R T I C. I.

Utrum homines teneantur ad oblationes ex necessitate precepti?

462

A D primum sic proceditur. Videtur, quod homines non teneantur ad oblationes ex necessitate extra de ficitate precepti. Non enim homines tempore Euangelij

c. 1. & se-

derimus.

336 QVÆST. LXXXVI. ART. I.

q. 103
3.1. q. 103
a. 3. C^o 4

geli; tenentur ad obseruanda cærimonialia præcepta veteris legis, ut supra habitum * est. Sed oblationes offerre, ponitur inter cærimonialia præcepta veteris legis. Dicitur enim Exod. 23. Tribus vicibus per singulos annos mihi festa celebrabitis. Et postea subditur, Non apparebis in conspectu meo vacuus. Ergo ad oblationes non tenentur nunc homines ex necessitate præcepti.

¶ 2 Præterea, Oblationes antequam fiant, in voluntate hominis consistunt: ut videtur per hoc quod Dominus dicit Matth. 5. Si offers munustum ad altare: quasi hoc arbitrio offerentium relinquatur. Postquam autem oblationes sunt factæ, non refat locus iteratè offerendi eas. Ergo nullo modo aliquis ex necessitate præcepti ad oblationes tenerur.

¶ 3 Præterea, Quicunque aliquid teneat redere Ecclesie, si non reddat, potest ad id compelli per subtractionem ecclesiasticorum sacramentorum. Sed illicet videtur his qui offerre noluerint, ecclesiastica sacra menta denegare: secundum illud Decretum sextæ synodi, quod habetur 1. q. 1. Nullus qui sacram communionem dispensat, à percipiente gratiam aliquid exigat: si vero exegerit, deponatur. Ergo non tenentur homines ex necessitate salutis ad oblationes.

*Greg. 7. et
honor de
Consecr.*

SED contra est, quod Gregorius * dicit, Omnis Christianus procuret ad missarum solemnia aliquid Deo offerre.

*dist. 1. c.
Ois chri-
stianus.
q. præc. a.
3.*

RESPONDEO dicendum, quod sicut dicitur * est, nomen oblationis commune est ad omnes res que in cultum Dei exhibentur: ita quod si aliquid exhibeat in cultum diuinum, quasi in aliquid sacrum, quod inde fieri debeat, consumendum: & oblatio est, & sacrificium. Vnde Exo. 29. dicitur, Offert totū arietē in incensum super altare. Oblatio est Domino odor suauissimus victimæ Dei. Et Leu. 2. dicitur. Anima cu obtulerit oblationē sacrificij Domino, simila erit eius oblatio. Si verò sic exhibetur, ut in-

integrum maneat diuino cultui deputandum , vel in
v̄sus ministrorum expendendum , erit oblatio & non
sacrificium . Huiusmodi ergo oblationes de sui ratio-
ne habent quòd voluntariè offerantur , secundum il-
lud Exod. 25. Ab homine qui offert vtroneus , acci-
pientis eas . Potest tamen contingere quòd aliquis ad
oblationes teneatur , quadruplici ratione . Primo qui-
dem , ex p̄cedenti conventione : sicut cum alicui cō-
ceditur aliquis fundus Ecclesiaz , ut certis temporibus
certas oblationes faciat , quod tamen habet rationem
centus . Secundò , propter p̄cedentem deputationē ,
sive promissionem : sicut cùm aliquis offert donatio-
ne inter viuos , vel cùm relinquit in testamento Ec-
clesia aliquam rem mobilem vel immobilem in po-
sterum soluendam . Tertio modo , propter Ecclesiaz
necessitatem , puta , si ministri Ecclesiaz non haberent
vnde sustentarentur . Quartò , propter consuetudinē :
tenantur enim fideles in aliquibus solemnitatibus
ad alias oblationes conuentas . Tamen in his duo-
bus ultimis casibus remanet oblatio quadammodo
voluntaria , scilicet quantum ad quantitatē , vel spe-
ciam rei oblatæ .

Ad primum ergo dicendum , quòd in noua lege ,
homines non tenentur ad oblationes , causa solemit-
tarum legalium , vt in Exodo dicitur : sed ex quibas-
dam alijs causis , vt dictum * est .

Ad secundum dicendum , quòd ad oblationes fa-
ciendas tenentur aliqui , & antequam frant : sicut in
primo , & tertio , & quarto modo & etiam postquam
eas fecerint , per deputationem sive promissionem .
Tenentur enim eas realiter exhibere quod est Eccle-
sia per modum deputationis oblatum .

Ad tertium dicendum , quòd illi qui oblationes
debitas non reddunt , possunt puniri per subtractionē
sacramentorum , non per ipsum sacerdotem cui sunt
oblationes faciendæ , ne videatur pro sacramentorum
exhibitione aliquid exigere ; sed per superiorē
anquet .

Sec. Sec. Vol. ij.

Y AR-

In co. sp.